



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

13 JUN 2021 (AHAD)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

13 JUN 2021 (AHAD)

Harga siling minyak masak botol 5kg dibincang

Sungai Besar: Isu penetapan harga siling minyak masak dalam botol lima kilogram akan dibincangkan Kementerian Perdagangan Dalam Negeri dan Hal Ehwal Pengguna (KPDNHEP) bersama Kementerian Perusahaan Peladangan dan Komoditi serta Kementerian Kewangan.

Susulan itu, satu mesyuarat membabitkan tiga kementerian terbabit akan diadakan dalam tempoh terdekat bagi membincangkan perkara itu, sekali gus membuktikan kerajaan prihatin terhadap permasalahan rakyat.

Timbalan Menteri, Datuk Rosol Wahid, berkata sebagai alternatif sekarang, KPDNHEP menyarankan rakyat membeli minyak masak dalam bungkusan polibeg satu kilogram berharga RM2.50 bagi mengatasi masalah kenaikan harga minyak masak botol lima kilogram itu.

Beliau berkata, kerajaan menyediakan kuota 60,000 tan minyak masak dipek dalam bungkusan polibeg satu kilogram setiap bulan dan ia mencukupi bagi menampung keperluan rakyat.

Katanya, penggunaan minyak masak satu keluarga di Malaysia ialah 1.8 kilogram sebulan.

"Saya beri jaminan kerajaan berusaha memastikan rakyat tidak terjejas dengan kenaikan harga minyak masak ketika pandemik COVID-19 sekarang.

"Keputusan (harga siling) minyak masak lima kilogram itu akan kita bincang pada mesyuarat dengan dua kementerian itu nanti," katanya selepas memeriksa pematuhan prosedur operasi standard Akta 342 dan bekalan minyak masak di Pasar Raya TF Value Mart, semalam.



ROSOL (kiri) memeriksa harga minyak masak botol di sebuah pasar raya di Jalan Lama Kuala Selangor, Sabak Bernam semalam.

Harga minyak botol mungkin ditetapkan

SABAK BERNAM – Kerajaan mungkin menetapkan harga siling minyak masak lima kilogram (kg) berikutan peningkatan mendadak harga bahan tersebut minggu ini.

Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid berkata, keputusan tersebut bagaimanapun bergantung kepada hasil mesyuarat bersama dua kementerian lain pada Rabu depan.

"Mesyuarat itu akan melibatkan kementerian ini, Kementerian Perusahaan Perladangan dan Komoditi dan Kementerian Kewangan.

"Selepas mesyuarat itu, kita akan buat keputusan sama ada untuk meletakkan harga siling terhadap minyak masak lima kg atau sebaliknya," katanya selepas melawat sebuah pasar

raya di Jalan Lama Kuala Selangor di sini semalam.

Baru-baru ini *Kosmo!* melaporkan rungutan pengguna terutama golongan peniaga apabila harga minyak masak 5 kg mengalami peningkatan mendadak antara RM33 sehingga RM35 sebotol.

Namun kerajaan menjelaskan, subsidi hanya diberi kepada minyak masak dalam pek polibeg satu kg dengan harga RM2.50.

Dalam perkembangan lain, Rosol menegaskan minyak masak pek polibeg dijamin mencukupi di pasaran di seluruh negara ketika ini.

"Orang ramai tidak perlu risau dan sekiranya mereka mengesyaki ada kedai menyorok minyak tersebut boleh terus membuat aduan rasmi kepada kami," jelasnya.

Minyak masak: Tiga kementerian bincang

Sungai Besar: Satu perbincangan akan diadakan dalam masa terdekat ini antara tiga kementerian bagi mengkaji untuk menetapkan harga siling minyak masak dalam botol lima kilogram mengikut harga pasaran semasa.

Perbincangan itu melibatkan Kementerian Perdagangan Dalam Negeri dan Hal Ehwal Pengguna (KPDNHEP), Kementerian Perusahaan Peladangan dan Komoditi dan Kementerian Kewangan.

Timbalan Menteri PDNHEP, Datuk Rosol Wahid berkata, ia adalah sebagai jaminan kerajaan yang sedang berusaha untuk memastikan rakyat tidak terjejas dengan kenaikan harga minyak masak ketika pandemik Covid-19.

"Oleh itu, keputusan (harga siling) akan kita te-

ngok dalam mesyuarat itu nanti," katanya ketika sidang media selepas melakukan pemeriksaan pematuan prosedur operasi standard (SOP) Akta 342 dan bekalan minyak masak di sini, semalam.

Hadir sama, Pengarah Penguat Kuasa KPDNHEP Putrajaya, Azman Adam.

Justeru, katanya, KPDNHEP menyarankan rakyat supaya mendapatkan minyak masak pek satu kilogram sebagai alternatif bagi mengatasi masalah kenaikan harga bahan itu.

Sementara itu, Rosol menafikan minyak masak yang pek satu kilogram adalah minyak masak kitar semula.

"Ia bukan minyak masak kitar semula, tetapi minyak yang bermutu sama seperti minyak masak dalam botol," katanya.

CAP bimbang harga makanan naik

Oleh **NOOR HASLIZA NUSI**
utusannews@mediamulia.com.my

GEORGETOWN: Persatuan Pengguna Pulau Pinang (CAP) bimbang kenaikan harga minyak masak botol lima kilogram (kg) yang berlaku ketika ini akan dijadikan alasan oleh peniaga makanan untuk menaikkan harga secara mendadak.

Presidennya, Mohideen Abdul Kader berkata, sekiranya harga minyak masak tidak dikawal oleh kerajaan akan membebaskan pengguna yang kini sudah sedia terbeban ekoran pandemik Covid-19.

Menurutnya, hasil tinjauan

CAP di beberapa pasar raya besar dan kedai runcit di sini mendapati harga minyak masak botol bersaiz lima kilogram masih kekal tinggi iaitu lebih RM5 berbanding sebelum ini, malah ada dijual sehingga RM34.50.

"Dalam keadaan sekarang, pengguna sangat terbeban dengan kos sara hidup tinggi termasuk ramai kehilangan pendapatan ekoran wabak tersebut.

"Minyak masak adalah barangan keperluan harian dan CAP meminta Kementerian Perdagangan Dalam Negeri dan Hal Ehwal Pengguna (KPDNHEP) serta Kementerian Pertanian dan Industri Makanan mencari

kaedah agar kenaikan harga minyak masak dapat dibendung," katanya kepada *Mingguan Malaysia* di sini semalam.

Baru-baru ini media melaporkan rungutan pengguna terutama golongan peniaga apabila harga minyak masak lima kilogram mengalami peningkatan mendadak antara RM33 sehingga RM35 sebotol bergantung kepada jenama sejak bulan lalu.

Rata-rata mereka menyifatkan kenaikan harga antara RM4 hingga RM7 itu membebaskan pengguna terutamanya mereka yang mengusahakan perniagaan menjual makanan.



KENAIKAN harga minyak masak di pasaran ketika ini dibimbangi dijadikan alasan oleh peniaga untuk menaikkan harga makanan sekali gus menambah beban pengguna.

Ubah suai tangki bot sorok 6,700 liter diesel

Kota Kinabalu: Taktik juragan bot pukat tunda mengubah suai tangki bot berkenaan gagal mengaburi mata pihak berkuasa apabila ditahan melalui operasi terancang di perairan SAFEMA di sini, kelmarin.

Operasi jam 5 petang oleh Pasukan Polis Marin (PPM) Kota Kinabalu itu berjaya merampas 6,700 liter diesel dengan nilai keseluruhan ramasan termasuk bot berjumlah RM266,905.

Pegawai Pemerintah Mar- kas Operasi PPM Kota Kinabalu, Asisten Superintendan Roslan Awang berkata, pemeriksaan dijalankan ke atas bot

pukat tunda itu menemukan lapang tangki yang diubah suai.

"Lapan tangki diubah suai di bahagian dalam ruangan enjin bot berisi 5,000 liter diesel manakala satu lagi tangki turut diubah suai di bahagian haluan bot berisi 1,700 liter diesel.

"Keseluruhan diesel yang disembunyikan dianggarkan sebanyak 6,700 liter. Turut ditemui satu unit mesin pam mudah alih dan hos yang disembunyikan di atas bot berkenaan," katanya.

Menurutnya, juragan bot lelaki tempatan berusia 63 tahun turut diperiksa.



TANGKI minyak bot pukat tunda yang digunakan untuk menyembunyikan diesel di perairan Kota Kinabalu.

"Hasil pemeriksaan mendapati juragan itu gagal mengemukakan sebarang permit membeli, menyimpan, membawa serta memasarkan bahan api itu daripada Kementerian Dalam Negeri Dan Hal Ehwal Pengguna (KPD-NHEP).

"Nilai keseluruhan rampasan dianggarkan RM266,905 berdasarkan harga pasaran semasa," katanya.

Menurutnya, bot pukat kemudian disita dan dibawa ke Markas operasi PPM Kota Kinabalu untuk siasatan lanjut.

"Kes disiasat mengikut Seksyen 21 Akta Kawalan Bekalan 1961," katanya.